



Broj: JN1-03-16-8-1-21-8/18  
Sarajevo, 26.9.2018.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: JN1-03-16-8-1-21-7/18, od 13.9.2018. u ponovljenom otvorenom postupku nabavke kancelarijskog materijala za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

## ODLUKU O IZBORU NAJPOVOLJNIJEG PONUĐAČA

### I.

Prihvata se preporuka Komisije za nabavke iz Zapisnika o pregledu i ocjeni ponuda broj: JN1-03-16-8-1-21-7/18, od 13.9.2018. i Okvirni sporazum za nabavku kancelarijskog materijala za potrebe Parlamentarne skupštine Bosne i Hercegovine za period 24 mjeseca, dodjeljuje se ponuđaču R&S d.o.o. Sarajevo, ul. Igmanska bb, 71 320 Vogošća, čija ukupna cijena ponude za predmetnu nabavku bez datog popusta i sa saglasno odobrenom računskom ispravkom od 4.9.2018. iznosi 70.070,50 bez PDV-a, odnosno 81.982,49 KM sa uračunatim PDV-om."

### II.

(1) Izabrani ponuđač dužan je dostaviti dokaze o kvalificiranosti u pogledu lične i ekonomske sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tač. 11.2. i 11.3. Tenderske dokumentacije za nabavku kancelarijskog materijala za potrebe Parlamentarne skupštine Bosne i Hercegovine, broj: JN1-03-16-8-1-21-3/18, od 22.6.2018.

(2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ovaj postupak nabavke će biti poništen.

### III.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

### IV.

Ova odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke kancelarijskog materijala za potrebe Parlamentarne skupštine Bosne i Hercegovine, broj: JN1-03-16-8-1/18, od 2.2.2018. Ukupna procjenjena vrijednost nabavke iznosila je 82.000,00 KM sa PDV-om. Komisija za nabavke imenovana je Odlukom Kolegija Sekretarijata, broj: JN1-03-16-8-1-1/18, od 2.2.2018. i broj: JN1-03-16-8-1-1a/18, od 4.6.2018. Javna nabavka provedena je putem ponovljenog otvorenog postupka nabavke. Tenderska dokumentacija,

broj: JN1-03-16-8-1-21-3/18, od 22.6.2018. objavljena je u sistemu „E-nabavke“, kao i Obavještenje o nabavci, broj: 166-1-1-13-3-23/18 objavljeno dana 22.6.2018., a u „Službenom glasniku BiH“, broj 44/18, od 29.6.2018. Tendersku dokumentaciju za nabavku kancelarijskog materijala za potrebe Parlamentarne skupštine BiH sa Portala javnih nabavki preuzelo je ukupno 12 ponuđača.

Do termina zakazanog za predaju ponuda odnosno do 10.7.2018. do 12,00 sati pristiglo je pet ponuda i to:

Redni broj zaprimanja ponuda	Naziv i sjedište ponuđača
1.	R&S d.o.o. Sarajevo, Igmanska bb, 71 320 Vogošća
2.	GATARIĆ d.o.o., Kninska bb, 74400 Derвента
3.	ELKOM d.o.o. Vitez, Divijak bb, 72250 Vitez
4.	AERO EXCLUSIVE d.o.o. Sarajevo, Kolodvorska broj 12, 71 000 Sarajevo
5.	EXCLUSIVE d.o.o. Zenica, Armije BiH broj 6, 72 000 Zenica

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-8-1-21-4/18, od 10.7.2018., Zapisnik o otvaranju ponuda od 10.7.2018. i Zapisnik o pregledu i ocjeni ponuda, broj: JN1-03-16-8-1-21-7/18, od 13.9.2018. sa preporukom o izboru najpovoljnijeg ponuđača.

Zapisnikom je konstatovano da je u toku evaluacije Komisija utvrdila da je ponuda ponuđača **R&S d.o.o. Sarajevo** jedina prihvatljiva ponuda jer ispunjava sve formalno pravne, ekonomsko-finansijske i profesionalno-tehničke uslove, odnosno zahtjeve ugovornog organa, a ponuđeni papir zadovoljava sve zadate tehničke karakteristike utvrđene tenderskom dokumentacijom, dok preostale **četiri dostavljene ponude su neprihvatljive** za Ugovorni organ, iz sljedećih razloga:

Ponuda ponuđača **Gatarić d.o.o.** je neprihvatljiva, jer

- ne sadrži sve izvještaje Centralne banke BiH o historiji računa za sve račune navedene u Izvještaju Centralne banke o stanju računa ponuđača, kako je zahtijevano u dijelu 13.2. Tenderske dokumentacije. Naime dostavljeni su izvještaji Centralne banke BiH o historiji računa za 7 računa ponuđača od ukupno 21 računa odnosno dokazi su dostavljeni samo za aktivne račune ponuđača, čime ispunjenje uslova o neblokiranosti računa nije dokazano na zahtjevan način opisan u tenderskoj dokumentaciji.
- dostavljene potvrde o urednom izvršenju ugovora ne sadrže sve podatke propisane članom 48. stav (3) Zakona o javnim nabavkama i to: Potvrda Grafičar d.o.o. Bihać je data općenito za ostvareni promet u zadnje tri godine, a ne konkretno za realizaciju određenog ugovora, a nije ni navedeno mjesto izvršenja ugovora, dok u potvrdi Raiffeisen bank d.d. BiH također nije navedeno mjesto izvršenja ugovora.
- za ponuđeni papir Solution se ne može utvrditi da zadovoljava sve zahtjevane tehničke karakteristike, jer između dostavljenog dokaza - Paper Specification, TS 15.6.2018. za Copy paper Solution FSC od Radeče Papir Nova d.o.o. i dostavljenog uzorka papira Solution nije moguće utvrditi povezanost, jer se na uzorku ne navodi proizvođač papira, nego samo da je proizvedeno za Gatarić d.o.o. Prema dokazu Paper Specification proizvođača papira Radeče Papir Nova d.o.o., od 15.6.2018. hrapavost za Copy paper Solution FSC iznosi 180+-40, što znači da se ista može kretati od 140 do 220, a zahtijevano tenderskom dokumentacijom je 190 ili manje.

Provjerom ponuđenog uzorka papira Solution na zvaničnoj web stranici ponuđača Gatarić d.o.o uočeno je da ponuđeni papir Solution ne zadovoljava karakteristiku Bjeline CIE koja iznosi 106, a traženo je min.142, dok za karakteristiku hrapavosti nema podatka.

- za artikle pod red. br. 74. i 75. (široki i uski registrator) iz Aneksa 2.-Obrasca za cijenu ponude, nije navedena marka /proizvođač ponuđenog registratora, iako je zahtjevano popuniti i upisati navedeno u prazan prostor Obrasca za cijenu ponude.

Ponuda ponuđača **ELKOM d.o.o. Vitez** je neprihvatljiva, jer

- ne sadrži uopće izvještaje Centralne banke BiH o historiji računa za sve račune navedene u Izvještaju Centralne banke o stanju računa ponuđača, kako je zahtijevano u dijelu 13.2. Tenderske dokumentacije. Naime dostavljene su potvrde komercijalnih banaka o neblokiranosti samo aktivnih računa, čime ponuđač nije izvršio dokazivanje ispunjenja ekonomsko- finansijskog uslova definisanog tačkom 13.2. Tenderske dokumentacije o neblokiranosti računa u posljednjoj godini na način kako je zahtijevano tenderskom dokumentacijom u smislu da se dostave izvještaji Centralne banke BiH o historiji računa za sve račune navedene u Izvještaju Centralne banke o stanju računa na dan izdavanja.
- ponuđeni papir Maestro Standard, proizvođač Mondi - Slovačka ne zadovoljava sve zahtjevane tehničke karakteristike, i to: hrapavost ponuđenog papira iznosi 200+-50, što znači da se ista može kretati od 150 do 250, a zahtjevano tenderskom dokumentacijom je 190 ili manje. Također debljina ponuđenog papira iznosi 106+-4, što znači da se može kretati od 102 do 110, a zahtjevano je 103 do 110.

Ponuda ponuđača **Aero-Exclusive d.o.o. Sarajevo** je neprihvatljiva, jer

- ponuđeni papir Deluxe Fabriano, proizvođač Fedrigoni S.p.A Fabriano, Italija ne zadovoljava sve zahtjevane tehničke karakteristike, i to: debljina ponuđenog papira iznosi 103 (min 98,0 max.108,0), što znači da se ista može kretati od 98,0 do 108,0, a zahtjevano je 103 do 110. Također grubost ponuđenog papira iznosi min.150, a max. 300, što znači da se ista može kretati u navedenom rasponu, a zahtjevano tenderskom dokumentacijom je 190 ili manje.

Ponuda ponuđača **Exclusive d.o.o. Zenica** je neprihvatljiva, jer

- ponuđeni papir Deluxe Fabriano, proizvođač Fedrigoni S.p.A Fabriano, Italija ne zadovoljava sve zahtjevane tehničke karakteristike, i to: debljina ponuđenog papira iznosi 103 (min 98,0 max.108,0), što znači da se ista može kretati od 98,0 do 108,0, a zahtjevano je 103 do 110. Također grubost ponuđenog papira iznosi min.150, a max. 300, što znači da se ista može kretati u navedenom rasponu, a zahtjevano tenderskom dokumentacijom je 190 ili manje.

Također je navedeno da obzirom da je samo jedna ponuda prihvatljiva za Ugovorni organ, E-aukcija nije zakazivana u skladu s članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16).

U zapisniku o pregledu i ocjeni ponuda navedeno je i da Komisija za nabavke nije imala potrebe za provođenjem vrednovanja i rangiranja ponuda po utvrđenom kriteriju „Najniža cijena“ i rezultatima E-aukcije, obzirom da je samo jedna ponuda prihvatljiva ponuda, pa je konstatovano sljedeće:

Ponuđač	Ukupna cijena ponude za predmetnu nabavku bez datog popusta sa uračunatim PDV-om + računska ispravka od 4.9.2018.
R&S d.o.o. Sarajevo	81.982,49 KM

Shodno navedenom, Komisija za nabavke preporučila je Kolegiju Sekretarijata (Zapisnik, broj: broj: JN1-03-16-8-1-21-7/18, od 13.9.2018. u prilogu), da u ponovljenom postupku nabavke kancelarijskog materijala za potrebe Parlamentarne skupštine BiH, donese Odluku o izboru

najpovoljnijeg ponuđača za R&S d.o.o. Sarajevo, ul. Igmanska bb, 71 320 Vogošća, čija ukupna cijena ponude za predmetnu nabavku bez datog popusta i sa saglasno odobrenom računskom ispravkom od 4.9.2018. iznosi 70.070,50 bez PDV-a, odnosno 81.982,49 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se R&S d.o.o. Sarajevo izabere za realizaciju Javne nabavke kancelarijskog materijala za potrebe Parlamentarne skupštine Bosne i Hercegovine putem Okvirnog sporazuma zaključenog s jednim ponuđačem na period od 24 mjeseca, te odlučio kao u dispozitivu odluke.

**Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- R&S d.o.o. Sarajevo, ul. Igmanska bb, 71 320 Vogošća
- GATARIĆ d.o.o., Kninska bb, 74400 Derventa
- ELKOM d.o.o. Vitez, Divijak bb, 72250 Vitez
- AERO EXCLUSIVE d.o.o. Sarajevo, Kolodvorska broj 12, 71 000 Sarajevo
- EXCLUSIVE d.o.o. Zenica, Armije BiH broj 6, 72 000 Zenica
- Sektoru za finansije
- a/a

**KOLEGIJ SEKRETARIJATA:**

**Kenan Vehabović** \_\_\_\_\_

**Bojan Ninković** \_\_\_\_\_

**Marin Vukoja** \_\_\_\_\_